

Raajanut akitsuutit pillugit Inatsisartut inatsisaata allanngortinneqarneranik

Inatsisartut inatsisaannut siunnersuummut

allannguutissatut siunnersuut

Inuit Ataqtigiit Inatsisartuni qinigaatitaannit saqqummiunneqartoq.

§ 1-imut

1. Nr. 2 ima oqaasertaqassaaq:

"2. § 15, imm. 2-mi oqaaseqatigiit pingajuattut ilanngunneqassaaq:
"Aalisarnikkut ajornartoortoqartillugu imm. 1 naapertorlugu tamakkiisumik
ilaannakuusumilluunniit isumakkeerinninissamut tunngavissaqartoqaraangat
naatsorsuutitigut uppersaatissat pissarsiarineqarnissaat Naalackersuisunit
utaqqineqaraangat akitsuutip tamarmiusup taassumaluunniit ilaata
akilinngikkallarneqarnissaa Naalackersuisut akuersissutigisinnaavaat."

Oqaaseqaatit nalinginnaasut

Naalackersuisut siunnersuutigaat raajanut akitsuutit 3%-miit 1%-mut
appartinneqassasut avataasiorluni aalisarnermi nunarsuarmi tunitsivinni raajat
qalipallit akii appasissut ajornartorsiortitsisuulersimasut innersuussutigalugit.
Umiarsuaatileqatigiiffiilli pineqartut naatsorsuutaat suli
saqqummiunneqarsimangimmata, raajanut akitsuutit appartinneqarnissaat
umiarsuaatileqatigiiffiit aningaasaqarnikkut inissisimanerisa
pisariaqalersissimaneeraat uppersaatissaqartinneqanngilaq.

Umiarsuaatileqatigiiffiit naatsorsuutaasa pissarsiarineqarnissaasa tungaannut
umiarsuaatileqatigiiffiit pineqartut raajanut akitsuutinik akiliinngikkallarnissaannik
(imaluunniit tamatuma ilaanik, assersuutigalugu 2 procentpointimik)
Naalackersuisut akuersissutiginninissaannut allannguutissatut siunnersuut manna
ajornarunnaarsitsivoq. Tamatuma kingorna Inatsisartut inatsisaanni § 15 imm. 1
naapertorlugu naatsorsuutit tunngavigalugit Naalackersuisut nalilersinnaavaat

tamakkiisumik ilaannakuusumilluunniit isumakkeerinninissamut tunngavissaqartoqarnersoq.

Aalajangersakkanut ataasiakkaanut oqaaseqaatit

Aalisarnikkut ajornartoortoqartillugu § 15 imm. 1 naapertorlugu tamakkiisumik ilaannakuusumilluunniit isumakkeerinninissamut tunngavissaqartoqaraangat naatsorsuutitigut uppersaatissat pissarsiarineqarnissaat Naalakkersuisunit utaqqineqaraangat akitsuutip tamarmiusup taassumaluunniit ilaata akilinngikkallarnejarnissaa Naalakkersuisut akuersissutigisinnaagaat aalajangersakkakut piginnaatitaaffilerneqarpoq. Inatsisartut inatsisaanni § 15 imm. 1 naapertorlugu pissutsit immikkut ittut atuuttillugit tamakkiisumik ilaannakuusumilluunniit akitsuutinut akiligassanut Naalakkersuisut isumakkeerinnissinnaapput.